



Иоанның үзінші пічии

Ікінші пічииндөк чіли, Иоанн илчі позын олаңай ла, ах сағал тіп адапча. Пу пічікті ол Христос тигірибінің Гаий тіп аттығ араласчызына пасча. Ол аны хынызын читіргені үчүн махтапча паза хайдағ-да Диотрафтың саба хылынчатханынаң китендірче.

1 Мин, Ах сағал^с, сағаа, аарлығ Гаий, улуғ чолабит ысчам. Син сыннаң минің прай чүреемнең хынчатхан кізімзін.

²Хынғаным! Синің худың хайдағ амыр-хазых, прай поэң андағох чахсы паза амыр-хазых пол тіп, Худайдаң сурынчам. ³Харындастар, киліп, синің киртінізіңнеңер искіргеннер. Синің Сынға хынчатханыңнаңар паза аны толдырчатханыңнаңар истіп, мин уғаа өрін парғам. ⁴Мағаа палаларымның Сынға киртінчеткеннерінеңер истердең артых өрініс чоғыл.

⁵Хынғаным! Харындастарға, таныс нимес тее харындастарға, улызып, пістің киртініс үчүн ізестіг хылынчазың. ⁶Харындастарыбыс синің хынызыңнаңар тигірибде^с киречілееннер. Оларны, Худай чөпсінер иде чолға тимнеп, үдес салзаң, чахсы идерзін. ⁷Олар, Христосты сабландыар үчүн, Худай пілбинчеткеннердең пір дее улызығ албин, чолға сыхханнар. ⁸Аннаңар піс, сыннаң оларнаң хада тоғынар үчүн, андағ кізілерге улызарға кирекпіс.

⁹Мин тигіриб чоңына пасхам, че пастых поларға хынчатхан Диотреф пістің сөстерібіске хайығ салбинча. ¹⁰Аннаңар, килзем, пісті хомайлап, чабал иткенінеңер, прайзына, чазырбин, көні чоохтап пирербін. Ол пісті хомайлаанына даа тоспинча, харындастарны даа поэңа чағын кирбинче, пасхаларына даа чағын идерге пирбинче, чағын итчеткеннерні тигірибдең сығара сүрче.

¹¹Хынғаным! Хомай нимее көөкпин, чахсы ниме ит. Чахсы ниме итчеткен кізі Худайни. Хомай ниме итчеткен кізі Худайны көрбеен. ¹²Димитрийдөңөр прай чон даа, аның иткен киректері дее, чахсы киречілепчелер. Піс тее іди киречілепчебіс. Пістің киречілеенібістің сын полчатханын сірер дее пілчезер.

¹³Көп нимедөңөр сағаа пазарчыхпын, че черниланаң чачында пазарға хынминчам. ¹⁴Түрчедөң сағаа тоғазып, көстең көске чоохтазып аларыма ізенчем.

¹⁵Амыр-хазых пол. Арғыстар даа сағаа чолабит читірчелер. Позыңның арғыстарына, полғанына ла, чолабит читір. Аминь^с.